

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-14508/26  
Sarajevo, 09.7.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača – Izvođenje radova na adaptaciji prostora u ul. Hamdije Kapidžića br. 3 za potrebe uspostavljanja Centra za zdravo starenje**

### **I**

Okvirni sporazum za javnu nabavku – Izvođenje radova na adaptaciji prostora u ul. Hamdije Kapidžića br. 3 za potrebe uspostavljanja Centra za zdravo starenje (broj obavještenja 422-1-3-139-3-201/26 objavljeno na Portalu javnih nabavki dana 10.6.2026. godine i “Službenom glasniku BiH-Oglasnik javne nabavke” br. 40/26) dodjeljuje se ponuđaču „Centar-Han“ d.o.o. Sarajevo sa ponudom u iznosu od 213.591,73 bez PDV-a, odnosno 249.902,32 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

### **III**

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-14508/26 od 05.3.2026. godine Općina Novi Grad Sarajevo pokrenula je otvoreni postupak javne nabavke - Izvođenje radova na adaptaciji prostora u ul. Hamdije Kapidžića br. 3 za potrebe uspostavljanja Centra za zdravo starenje, broj obavještenja 422-1-3-139-3-201/26 objavljeno na Portalu javnih nabavki dana 10.6.2026. godine i “Službenom glasniku BiH- Oglasnik javne nabavke” br. 40/26 dana 12.06.2026. godine.

Zapisnikom o otvaranju ponuda od 01.7.2026. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Centar-Han“ d.o.o. Sarajevo i 2. “Teslaluks” d.o.o. Sarajevo.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da je na stranici 12. ponude ponuđača “Teslaluks” d.o.o. Sarajevo upisana jedinična i ukupna cijena na zbirnoj opisnoj poziciji broj 2 - "Nabavka, doprema materijala te izrada i ugradnja staklenih pozicija..." za koju Ugovorni organ nije naveo količinu niti jedinicu mjere,

jer je ta pozicija razložena na podpozicije ispod: Poz.A, Poz D, Poz E, Poz F i Poz G po dimenzijama vrata iz opisa iz stavke 2 sa tačno navedenim količinama i jedinicama mjere za koje je trebalo i ponuditi jedinične cijene, kao i ukupnu cijenu. Ponuđač "Teslaluks" d.o.o. Sarajevo je za sve podpozicije upisao jedinične cijene i dodatno jediničnu cijenu za zbirnu opisnu poziciju, kao da je zasebna pozicija. S obzirom da prema Uputstvu za pripremu modela tenderske dokumentacije i ponuda član 17. (5) i Aneksu 3 je definisano da se jedinična cijena stavke ne smatra računskom greškom, odnosno ne može se ispravljati, Komisija ne može istu smatrati računskom greškom niti greškom aritmetičke prirode. Članom 5. Uputstvu za pripremu modela tenderske dokumentacije i ponuda je definisano da: Prilikom ispunjavanja obrasca za cijenu ponude ponuđač ukupnu cijenu stavke izračunava kao proizvod količine stavke i cijene stavke.

Iz naprijed navedenog razloga utvrđeno je da je ponuda ponuđača "Teslaluks" d.o.o. Sarajevo nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača „Centar-Han“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te utvrdila da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

#### **DOSTAVITI:**

1. Ponuđačima u postupku
2. U spis
3. Komisija za javne nabavke radova

